

आकाशवाणी

- प्रधानमंत्री नरेंद्र मोदी ते डेनमार्क दे प्रधानमंत्री Mette Frederiksen होरें दौनें देशें दे हरित रणनीतिक सांझ भ्याली गी मजबूत करने दे धेइये गी फी पक्का कीता।
- केंद्री शिड़क ते यातायात मंत्री नितिन गडकरी होरें प्रतिदिन 100 किलोमीटर जरनैली शिड़क दे निर्माण दा लक्ष्य रक्खेआ ऐ।
- दिल्ली सरकार नै सब्बे स्कूलें गी अत्याधिक फीस दे मुद्दे पर नोटिस जारी कीता ऐ।
- संयुक्त राष्ट्र नै सूडान दे शरणार्थी शिविर पर होए दे हमले च आम लोकें दे मारे जाने दी खबर पर हुंगी चैंता व्यक्त कीती ऐ।
- भारत दा हज कोटा 2014 थमां 2025 तोड़ी कोई 40 ज्हार बदेआ।
- ते भारतीय मौसम विभाग नै आखेआ ऐ जे इस बरे दक्खन पच्छमी मानसून सामान्य कोला मती रौहने दी मेद बुज्झी ऐ।



PM-Denmark

प्रधानमंत्री नरेंद्र मोदी होरें डेनमार्क दे अपने हमरूतबा Mette Frederiksen हुंदे नै गल्लबात कीती। फोन उप्पर उन्दी गल्लबात दौरान दौनें नेताएं भारत डेनमार्क हरित रणनीतिक सांझ भ्याली लेई मजबूत साथ-सहयोग गी फी पक्का कीता ते दौनें देशें दे लोकें दे लाहू लेई हर क्षेत्र च सहयोग गी बढ़ावा देने पर विचार बटांदरा बी कीता गोआ। इक सोशल मीडिया पोस्ट च श्री मोदी होरें होरें आखेआ जे उनें ते श्री Frederiksen होरें मकामी ते वैश्विक विकास आहले आपसी हितें दे मुद्दे बारै चर्चा कीती।



Prez. IAS Meet

भारतीय प्रशासनिक सेवा, आई.ए.एस 2023 बैच दे अधिकारियें अज्ज राष्ट्रपति भवन च राष्ट्रपति द्रोपदी मुर्मू हुंदे नै मुलाकात कीती। राष्ट्रपति होरें आखेआ जे मकामी ते राज्य स्तर पर इनें अधिकारियें आसेआ कीते गेदे विकास ते जन कल्याणकारी कम्म राष्ट्रीय लक्ष्यें गी हासल करने च महत्वपूर्ण योगदान देंगन। उनें अधिकारियें गी सलाह दित्ती जे ओहू अपने अधिकारें ते सिविल सैनिकें दी जुम्मेदारियें दे बश्कार संतुलन गी म्हेशां चेत्ता रक्खन। इस गल्ला पर जोर दिंदे होई उनें आखेआ जे अपने अधिकार, जुम्मेदारियें गी प्रभाव ढंगै नै पूरा करने दे साधन दे रूपै च दिक्खेआ जाना लोडचदा ऐ।

<><><><><><>

Gadkari-AIMA

यातायात ते जरनैली शिडकें सरबंधी मंत्री नितिन गडकरी होरें देश दे बुनियादी ढांचे दे विकास दे महत्व पर जोर दित्ता ऐ। उनें प्रतिदिन 100 किलोमीटर जरनैली शिडक दे निर्माण दा लक्ष्य रक्खेआ ऐ। अखिल भारती प्रबंधन संग दे 10में राष्ट्रीय नेतृत्व सम्मेलन गी संबोधित करदे होई उनें आखेआ जे अगले 18 म्हीने दे अंदर देश दी शिडक बुनियादी ढांचा अमरीका थमां बी मता विकसित होई जाग।

<><><><><><>

CBI

सी.बी.आई नै डिजिटल अरेस्ट मामले च 4 लोकें गी गिरफ्तार कीता ऐ। आपरेशन चक्र फाइव तैहत महाराष्ट्र, उत्तर प्रदेश, पच्छिम बंगाल ते राजस्थान च 12 थाहरें पर व्यापक तपाशी अभियान दे बाद एहू गिरफ्तारियां कीती गेइयां न। सीबीआई नै दस्सेआ जे राजस्थान दे झुंझनू थाने च इक साइबर थाने च मामला दर्ज कराया गेआ जिस च आखेआ गेआ जे अपने आप गी बक्ख-बक्ख कनून एजेंसिएं दा कर्मचारी दस्सियै साइबर अपराधियें इक पीडित गी 3 शा मते म्हीने तोड़ी डिजिटल-ई बंधक

बनाइयै रक्खेआ। इस दौरान उस थमां 42 बारी पैहे वसूले गो। ठग्गी गेदी रकम 7 करोड़ 67 लक्ख रपे शा मते दी ऐ। तपाशी अभियान दौरान बैंक खाते दा ब्यौरा, डेबिट कार्ड, चेकबुक, डिजिटल उपकरण सनें बड्डी मात्रा च सामग्री बरामद कीती गई।

<><><><><><>

Delhi-Govt. School

दिल्ली सरकार नै राश्ट्रीय राजधानी दे सब्बै स्कूलें गी अत्याधिक फीस ते अभिभावकें ते छात्रें गी परेशान करने दी शकैतें दे खलाफ नोटिस जारी कीता ऐ। कन्नै गल्ल करदे होई दिल्ली दी मुखमन्त्री रेखा गुप्ता होरें अज्ज आखेआ जे कुसै बी स्कूल गी कुसै बी अभिभावक या बच्चे गी परेशान करने, उनेंगी स्कूल थमां कडुने दी धमकी देने या सामान्य फीस बदाने दा अधिकार नेई ऐ। उनें आखेआ जे राज्य सरकार नेह कुसा बी कार्रवाई गी बर्दाशत नेई करोगा। दिल्ली दी मुखमन्त्री होरें अगुँ आखेआ जे स्कूल फीस च कोई बी बढोतरी मौजूदा नियमें ते कनूनें तैहत कीती जानी लोडचदी ऐ ते एहदा उल्लंघन करने आहले कुसै बी स्कूल गी एहदे नतीजे भुगतने होंगन।

<><><><><><>

Sudan

संयुक्त राश्ट्र नै सूडान दे अकालग्रस्त जमजम शरणार्थी शिविर पर होए दे हमले च 300 आम लोकें दे मारे जाने दी खबर पर डूंगी चैंता बुज्जी ऐ। मानवीय कार्ये दे समन्वय अधिकारी नै दस्सेआ ऐ जे मरोने आहलें चा राहत कम्में च जुडे दे 10 कर्मी बी शामिल हे। यूनिसेफ नै दस्सेआ ऐ जे इनें हमलें च 23 बच्चे मारे गेन। जमजम शरणार्थी शिविर राजधानी दारफर थमां 15 किलोमीटर दूर ऐ। शरणार्थियें ससरबन्ध अंतरराश्ट्रीय संगठन नै दस्सेआ जे जमजम शिविर कोला घट्टोघट्ट 16 ज्हार लोक विस्थापित होए न जेडे पच्छमी क्षेत्रें बक्खी चली गेन।

<><><><><><>

India-Waves

जपानी शैली दी एनिमेशन, कामिक्स ते डिजिटल वर्चुअल स्टोरी टैलिंग प्रतियोगिता अज्ज बेंगलुरु दे वीवीएन डिग्री कालेज च आयोजित कीता जाग। मीडिया ते मनोरंज संघ नै वेस्स पैहल दे हिस्से दे रूपै च प्रतियोगिता दा आयोजन कीता ऐ। Waves Anime ते Manga प्रतियोगिता जपानी शैली दे एनिमेशन, कामिक्स, डिजिटल वर्टिकल स्टोरी टैलिंग, वेबटून, मूल पात्रें दे कास्ट्यूम प्रदर्शन ते वायस एक्टिंग दी 5 श्रेणियों च भारतीय आई.पी दी खोज ते प्रचार करने आहला भारत दा पैहला राष्ट्रीय मंच ऐ। इस च शामिल होने लेई राज्य स्तर पर 121 शां मते प्रतियोगियें पंजीकरण कराया ऐ। जेत्तुएं गी टोक्यो च आयोजित होने आहले Anime जपान 2026 च हिस्सा लैने लेई पूरी भुगतान थ्होग।

<><><><><><>

Solar-Pannel

देश च इमारतें दी छतें पर लग्गे दे पैनलें थमां हासल होने आहली सौर उर्जा क्षमता च काबलेजिक्र बाद्दा होने जारदी ऐ जेडा अगले माली बरे तोड़ी अंदाजन 25 थमां 30 गीगावाट तोड़ी पुज्जोग। एह विस्तार देश दे व्यापक उर्जा सरबंधी बदलाव आहले लक्ष्यें प्रेरित ऐ जिस च सौर उर्जा देश दे स्वच्छ उर्जा कार्ययोजना च इक्क केंद्रीय थम्म दे रूपै च उभरा'रदा ऐ। केयर एज रेटिंग्स दी इक रिपोर्ट दे मताबक औने आहले समें च देश दे वाणिज्यक ते औद्योगिक क्षेत्र दे विकास च छतें पर पैनल थमां हासल सौर उर्जा दी महत्वपूर्ण भूमिका होने दी मेद ऐ। माली बरे 2024-25 तोड़ी कुल नवीकरणीय उर्जा क्षमता 220 गीगावाट तोड़ी पुज्जने ते 2030 तोड़ी 300 गीगावाट दे महत्वकांक्षी आहले राष्ट्रीय सौर क्षमता लक्ष्य दे कन्नै गै छतें पर आधारित प्रणालियां विशेष रूप नै वाणिज्यिक ते औद्योगिक क्षेत्रें च महत्वपूर्ण भूमिका नभाने दी मेद ऐ।

<><><><><><>

Murshidabad-Waqf

पच्छिम बंगाल च मुर्शीदाबाद दे हिंसाग्रस्त खेत्तरे च आस्ता-आस्ता हालात सामान्य होआ रदे ना। पुलस, केंद्री बल ते आर.एफ.एफ, जिले दे तनावग्रस्त इलाके च गश्त करा रदे ना। दुकाने ते बपारिक प्रतिष्ठान आस्ता-आस्ता फी खुल्ला रदे ना। पुलस नै पिछले हफते 2 लोके दी हत्या दे सिलसिले च 2 लोके गी गिरफ्तार कीता ऐ। समशेरगंज, सुती ते रघुनाथगंज थमां हूनै तोड़ी कुल 223 लोके गी गिरफ्तार कीता जाई चुके दा ऐ। पुलस ते प्रशासन नै अफवा फैलाने दे आरोप च 1 जहार 93 सोशल मीडिया प्रोफाइल गी ब्लॉक करी दित्ता ऐ।

<><><><><><>

Hajj-Quota

भारत सोयां हज जात्तरा पर जाने आहले तीर्थ यात्रिएं दा कोटा बदाइयै इस बरे इक्क लक्ख 75 जहार करी दित्ता गेआ ऐ। 2014 च एह गिनतरी 1 लक्ख 36 जहार ही। कोटे गी खीरी रूप साउदी प्रशासन कन्नै परामर्श मगरा दित्ता गेआ ऐ। मंत्रालय नै दस्सेआ ऐ जे साउदी अरब दे दिशा-निर्देशे मूजब डोआरी, परिवहन, मीना, शिवर, रौहने दी बवस्था ते होर दुई सेवाएं सने सारियां जरूरी तैयारियां पूरियां कीतियां गेइयां ना।

<><><><><><>

Chauhan-Brics Meeting

राई-बाई ते करसान कल्याण मंत्री शिवराज सिंह चौहान होर वीरवार गी ब्राजील च 15मीं ब्रिक्स कृषि मंत्रिये दी बैठक च शामिल होंगना। मंत्रालय नै दस्सेआ जे बैठक च ब्रिक्स देशे बश्कार सहयोग, नवाचार ते न्यासंगत बपार राएं समावेशी ते टिकाउ कृषि गी बढ़ावा देने दे विषय पर ध्यान केंद्रित कीता जाग। श्री चौहान ब्राजील दे कृषि ते पशुधन मंत्री कारलोस हेनरीक बाक्केटा फावरो ते कृषि विकास ते पारम्परिक खेती मंत्री लुईज पाउलो टेक्सेरा कन्नै दवक्खी चर्चा करंगना।

<><><><><><>

CPI-March

भारतीय खाद्य कीमतें च जबरदस्त कमी करी खुदरा मुद्रास्फीति मार्च च घटियै 3 अशारिया 3-4 फीसद होई गई जेडी फरवरी च 3 अशारिया 6-1 फीसद ही ते कार्जक्रम कराने आहले मंत्रालय आसेआ जारी आंकडे मताबक एहू अगस्त 2019 दे बाद साल दर साल सब्बनें शा घट्ट मुद्रास्फीति ऐ। ग्रामीण क्षेत्रें च मुद्रास्फीति 3 अशारिया 2-5 फीसद ते शैहरी क्षेत्रें च 3 अशारिया 4-3 फीसद रेई। अखिल भारतीय उपभोक्ता खाद्य मूल्या सूचकांक पर आधारित पिछले म्हीने दी खाद्य मुद्रास्फीति दर अखीरी रूपै नै 2 अशारिया 6-9 फीसद दस्सी गई ऐ।

<><><><><><>

Pakistan-Killed

पाकिस्तान दे दक्खन पच्छमी बलोचिस्तान प्रांत च अज्ज होए दे बम धमाके च 3 पुलसकर्मी मारे गे ते 16 होरनें जख्मीं होई गे। दो जख्मी पुलसकर्मियें दी हालात गंभीर दस्सी जा'रदी ऐ। एहू घटना मस्तुंग जिले दे कुंड मसूरी इलाके कोल होई जित्थे कलात जिले दे इक प्रशिक्षण केंद्र थमां कर्मियें गी लेजाया जा'रदी इक पुलस बस गी आई.ई.डी नै टक्कर मारी दिती। अधिकारियें मामले दी जांच शुरू करी दिती ऐ। हुनै तोड़ी कुसै बी समूह नै हमले दी जुम्मेदारी नेई लैती ऐ।

<><><><><><>

IMD

भारती मौसम विभाग नै आखेआ जे इस बरे जून थमां सितंबर तोड़ी दक्खन पच्छमी मानसून सामान्य कोला मता रौहने दी मेद ऐ। मौसम विभाग विभाग दे महानिदेशक मृत्युंजय महापात्रा होरें अज्ज नमीं दिल्ली च दस्सेआ जे पूर्वोत्तर, उत्तर पच्छिम ते दक्खन प्रायद्वीपीय भारत दे किश हिस्सें गी छाड़ियै देश दे ज्यादातर हिस्सें च कानसून दी बरखा सामान्य कोला मती रौहनी दी मेद ऐ।

<><><><><><>

PM-USBRL-Inaguration

प्रधानमंत्री नरेन्द्र मोदी हुंदा 19 अप्रैल गी उधमपुर-श्रीनगर-बारामुला रेल लिंक दे खीरी गेड़ दा उद्घाटन करडन जेहदे कन्नै गै पैहली बारी रेल राएं जम्मू कोला श्रीनगर तगर सिद्धा संपर्क उपलब्ध होगा। इस रेल लिंक च दुनिया दा सब्बने शा उच्चा चनाब पुल ते भारत दा पैहला फौलाद दिएं तारें सहारे खडोते दा अजी खडु आला रेलवे पुल शामिल ऐ। औखे हिमालयी इलाके चा होइयै 272 किलोमीटर तगर फैली दी एह परियोजना भारत दी इंजीनियरिंग प्रतिभा गी प्रदर्शत करदी ऐ। उद्घाटन कोला पैहले सुरक्षा बधाई दित्ती गेई ऐ, विशेष तौरा पर चनाब पुल ते प्रमुख ट्रैक खडे दे कोला सीसीटीवी निगरानी बी दित्ती जा'रदी ऐ। तोआई, रियासी जिले दे बक्कल ग्रांS दे बसनीकें च रेल लिंक दे चनाहू रेलवे पुल दे उद्घाटन आस्तै बड़ा मता जोश दिक्खने गी लब्बा करदा ऐ।

<><><><><><>